

**Informaziun dal Comun:** en lünesc, ai 21 de novëmber sarál dales 20:00 te Ciasa de Cultura a La Ila na reuniun zivica ( *Bürgerversammlung* ). Düta la popolazion é inviada.

**Info di Stüdafüch:** en sabeda ai 26 de novëmber dales 8:30 ales 12:00, sarál la poscibilitè de condüje te magazin di Stüdafüch de Badia i destodadus (polver, scaia o CO<sup>2</sup>) por le control scrit dant dala lege. I stüdafüch y na dita spezialisada piará do i destodadus, che an podará spo indô jí a se tó do ca. 1 ora. Chësc n'é nia ma n sorvisc di stüdafüch ala comunité mo ince n intervënt de prevenziun cuntra le medefüch.

**Sentada generala dl Consëi de Formaziun Badia:** en mertesc ai 22 de novëmber dales 19:30 te Ciasa de Cultura a La Ila.

*1.pert:* incuntada anuala dl Consëi, aprovaziun dl bilanz 2022, previjiun dles initiatives por le 2023, aprovaziun dl statut nü. Les uniuns dl Comun é dër bel inviades da tó pert y fá propostes por la formaziun di zitadins.

*2.pert:* Alexander Liotto nes cunta "lö y mia roda...sön le tru de n some!" aventöres cun la roda fora por la Talia.

**Marcé da Nadé tl Zënter sozjal La Spona a Pidrô:** en sabeda, ai 26 de novëmber dales 9.00 ales 17.00 cun vigni sort de ideas por scincundes da Nadé. Dales 14.30 vëgnel presenté dui libri nüs, dá fora dala Uniun di Ladins Val Badia che vënn de vigni sort de publicaziuns en chësta ocasiun.

**Menopalsa... y spo?:** tl Raiun sozio-sanitar a Picolin vëgnel metü a jí initiatives sön la menopalsa, ai 25 y 26 de novëmber y ai 2 de dezëmber. Le vëndres ai 25 de novëmber dales 19:30, él n referat cun la ginecologa Ivonne Fauster y la psicologa Angelika Fauster, cun discusciun y pice renfrësch. La sabeda ai 26 de novëmber dales 9:00 ales 16:30, te salf di Stödafüch a S. Martin workshop cun informaziuns/discusciuns, eserzizi por la osteoporosa, na marëna adöm y consëis cun les espertes dla sëra da denant, adöm ala fisioterapista Anna Tolpeit. Por le workshop ves periunse da ves prenoté anter i 24 de novëmber al nr. 0474 524552. La partezipaziun é debann, la marëna se paia vignöna instëssa.

*Les plates dla cüra ONLINE é da ciafé proscimamënter sot ala nöia misciun internet: [www.unitepastorala.org](http://www.unitepastorala.org)*



# Plata dla Ploania Badia

San Iaco - San Linert

Ploan: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parocchiabadia@libero.it](mailto:parocchiabadia@libero.it)

Radio dla Ploania: 91,10 Mhz

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann „C“ 20.11. – 27.11.2022

Festa de Crist Re

n. 52

## FESTA DE CRIST RE



Fin dl ANN LITURGICH „C“

**Vangele dla proscima Domënia - 1<sup>a</sup> de Advënt Ann “A”**

**Mat. 24,37-44**

Te chël tëmp á Gejù dit a sù discepu: Sciöch'ara é en chi dis de Noé, insciö sarára dal avënt dl Fi dl Om. Sciöche la jënt mangiá, boiô y se maridâ en chi dis dan le delüve cina en chël de che Noé é jü tl'arca, y ne s'un intenô de döt nia cina ch'al n'é gnü inondaziun y i á romené düc demez, insciö sarára ince dal avënt dl Fi dl Om. Spo de dui ëi che laora sön ciampopré, nen gnaral tut un impara y un gnará lascé indô. Y de döes ères che majena cun le medemo morin, nen gnaral tut öna impara y öna gnará lasciada indô.

Stede muntri! Deache i ne savëis nia, ci de che osc Signur vëgn. Ponsede sura: Sce le patrun de ciasa savess da ci ora de nôt ch'al vëgn le lere, stessel munter y ne lasciass nia sozede ch'al vëgn rot ite te süa ciasa. Porchël stede ince os arjigná! Ciodiche le Fi dl Om gnará da n'ora ch'i ne s'la aspetëis nia.

# FUNZIUNS SACRES

## 20.11. FESTA de CRIST RE / Festa de S. Zezilia

10.00 **Mëssa por la Comunità ciantada dal cor**

†to Sepl Tavella - aniversar  
†ta Maria Pescoll Promberger  
†ti Milio y Angela Craffonara  
†ti Pitscheider da Ruac

18.00 †to Iaco Pescollderungg  
†ta Regina Canins  
†to Hansi Irsara

## 22.11. Mertesc - S. Zezilia

19.30 †to Erich Dapunt - aniversar  
†ti Cecilia y Giuseppe Daprè - aniversar  
†ti Franz y Giovanni Irsara de Jan – aniversar

## 23.11. Mercui – S. Clemens

07.25 **Mëssa cun i scolars**  
†ti Gottfried y Zilia Nagler  
por families de Paul y Rosina Nagler  
por fam. Guido y Gilia Tavella

## 25.11. Vëndres – S. Tarina

07.30 †ta Maria Irsara dl Carlo  
†ti Sepl y Guido Pizzinini  
†ti Giovanni, Adele y Albert Pescollderungg

## 26.11. Sabeda - S. Konrad

16.00 Mëssa a Oies

## 27.11. 1ª DOMÈNIA de ADVÈNT – Ann A

10.00 **Festa di ministranc y mëssa dles families**

†to Nando Irsara - aniversar  
†ti Pasquale y Agata Irsara - aniversar  
†ti Giustina y Mariangel Clement  
†ti Otto, Pancraz y Paula Clement  
por les families de Franz y Maria Campeï

15.00 *Zelebrazion dl Bato*

19.30 **RORATE por i Stödafüch** (sona i Turmbläser)

†to Sandro Canins  
†ta Maria Costner Vittur (dal KVV)

# Dala VITA dla CÜRA

**Incuntada di geniturs di mituns y mitans dla Prüma Comuniun**  
en lünesc, ai 21 de novëmer dales 20:00 te Salf di Ministranc.

**Legio Mariae:** chësc grup se abina en jöbia ai 24 de novëmer dales 14:00 te dljia por n'ora de oraziun. Düc é inviá a tó pert.

**Gherlandes de Advënt:** en domënia, ai 27 de novëmer podaran porté te dljia les gherlandes che gnará benedides tratan la mëssa dales 10:00.

En chël de sarál ince i jogn y jones che vënn gherlandes te stüa di paurs do mëssa da duman y ince do mëssa da sëra.

**Oferta dl'ultima domënia:** rengraziun dla bela soma de 1075,23 € che jará ala Caritas dla diozeja.

**Crusc te cortina:** sciöche vigni ann vëgnel perié da tó demez adora assá les crusc che podess rové sot la lovina che vëgn jö de tët de dljia.

## Le bel cianté y soné te dljia

Da cianté y da acuté sö de bela musiga ne se stüfun mai. Porchël degüna Mëssa y Festa de dljia zënza cianté y soné. Mo al ó ince ester les porsones bones y arjignades da le fá; chël costa bries, idealism y la forza dla uniun. Porchël ne me stanci nia da laldé y rengrazié nüsc Cori, la Musiga y i Cantores y düc chi che cianta para dales funziuns de dljia.

Por l'ann nü cïafunse ince le liber nü "Laldun le Signur" che se dëida y che i orun adoré bun. I präi le cor de dljia da se daidé imparé ite ince val cianties nöies.

*Siur Degan*

